



COMUNICACIÓN RELATIVA A AXUDAS INDIVIDUALIZADAS TRANSPORTE ESCOLAR -CURSO 2020-2021

Beneficiarios:

Pode solicitar axudas individualizadas o alumnado matriculado no curso 2020/2021 en centros educativos públicos con dereito a transporte escolar gratuito (Educación infantil, primaria e secundaria obrigatoria) que por diversas circunstancias non poida facer uso das rutas de transporte escolar existente.

O alumnado de Formación Profesional Básica que non poida facer uso de rutas de transporte escolar en centros educativos públicos pode solicitar axudas de acordo co disposto na Instrución que aproba anualmente a Secretaría Xeral Técnica da Consellería e sempre que cumpran os requisitos que se establezan.

O alumnado escolarizado en centros públicos de Educación especial, cando non poidan empregar rutas de transporte escolar sempre que a distancia desde o domicilio familiar ou as circunstancias do entorno relacionadas co tipo de discapacidade así o xustifiquen ou en virtude de resolución de escolarización debe solicitar axudas individualizadas, esta alternativa será preferente respecto aos transportes contratados no curso 2019-2020.

Requisitos:

O alumnado beneficiario pode solicitar axuda para sufragar os gastos de desprazamento desde o seu domicilio ao centro docente ou a parada de transporte escolar ou regular mais próxima **cando a distancia sexa superior a 2 km calculada utilizando o itinerario máis directo, sen desvíos e rodeos innecesarios.**

En caso de existir máis dun domicilio familiar considérase como domicilio de residencia o máis próximo ao centro. Non hai axudas para 2º domicilio por conciliación da vida familiar e laboral.

Para poder ser usuario lexítimo do servizo o alumnado **deberá estar escolarizado no centro que lle corresponda, segundo a situación do seu domicilio e a distribución das áreas de influencia establecida** ou en casos excepcionais contar cun ditame ou comunicación de escolarización forzosa emitido pola Administración Educativa.

Os centros escolares con transporte integrado durante o curso 2020/2021 poden ter modificacións na modalidade de tramitación que serán comunicadas en caso de que o organismo competente de mobilidade asuma a xestión das axudas.

A modo indicativo quedan expresamente excluídos para estas axudas :

- Cando a escolarización se efectúe en lugar distinto ao da súa residencia habitual, amparándose na adscrición de centro ou preferencia de escolarización por lugar de traballo dos pais ou centro escolar de procedencia adscrito.
- Cando a escolarización se basea na liberdade de elección de centro.





- Cando perciban axudas para o mesmo fin que cubra a totalidade dos gastos por parte de concellos ou outras entidades de carácter público.
- Cando poidan empregar a Tarxeta XENTE XOVE ou análogas de carácter municipal nas áreas de transporte metropolitano, que permitan realizar todas as viaxes gratuítas.

Preferentemente o alumnado beneficiario destas axudas deberá empregar servizo regular de transporte de viaxeiros se o ten a súa disposición en horario axeitado e distancias respecto do centro escolar. No caso de que opte por outra modalidade de transporte se deberá acreditar a súa necesidade.

As solicitudes por discapacidade con dificultade acreditada para o emprego de transporte colectivo fóra das rutas establecidas, con problemática severa de carácter familiar para levar familiares ao alumnado deben xustificar a necesidade. Poderase autorizar o pago da axuda á familia para a contratación dun vehículo axeitado as necesidades demandadas. A tal fin requírese presuposto para a súa aprobación.

No suposto que empregue transporte público percibirá axuda de acordo co importe dos billetes ou abonos (impostos excluídos), excepto nos casos en que se poida empregar a Tarxeta Xente Xove que para poder recibir axuda deben acreditar o gasto suplementario realizado.

Casos a modo de exemplo:

- De non existir transporte escolar no centro e residir a mais de 2 km na zona de influencia.
- Non ter posibilidade de transporte por dificultade de acceso dos autobuses a certas localizacións.
- Que non haxa capacidade suficiente nos autobuses sendo usuario lexítimo ou non existir correspondencia cos itinerarios establecidos con distancias superiores aos 2 km.
- Alumnos escolarizados forzosos que residan fora da área de influencia que non poidan aproveitar as liñas habilitadas.

SOLICITUDES E PRAZOS

Desde a Xefatura Territorial tramitaranse as solicitudes dos centros educativos cumprimentadas no anexo remitido ao efecto que se presentan:

- para o alumnado de F. P. Básica (que non sexan centros de educación especial) **ata o 13 de novembro de 2020**,
- resto do alumando **ata o 25 de setembro de 2020**. Nos supostos de novas altas de escolarización forzosa con dereito a axuda individualizada deberá indicarse a data de incorporación ao centro para poder realizar a tramitación fora do prazo inicial.

No caso de novas altas de escolarización forzosa con dereito a axuda individualizada deberá indicarse a data de incorporación ao centro para poder realizar a tramitación fóra do prazo inicial.

Respecto á documentación complementaria requirida, non faría falta presentala se xa se presentou no curso anterior, salvo que cambiaran as circunstancias do alumnado con respecto ao curso pasado, este extremo debe manifestase no impreso de solicitude.





Conforme regula o artigo 28.7 da lei 39/2015, de 1 de outubro, do procedemento administrativo común das administracións públicas “os interesados responsabilizaranse da veracidade da documentación que presenten”.

O importe pagarase proporcionalmente aos días lectivos de **asistencia efectiva con desprazamento ao centro** de acordo cos baremos de distancia e prezo de billetes que se establezan. Os centros educativos deberán certificar, coa sinatura do titular da dirección do centro, o número de días de asistencia efectiva dos alumnos/as ao centro educativo, nas datas que lle solicite o Servizo de Recursos Educativos Complementarios.

No suposto de varios beneficiarios que compartan mesmo domicilio ou próximo, centro educativo e horario escolar calcularanse os importes con prorrateo en función da modalidade de transporte en caso de ser necesario.

Contra as resolucións do xefe territorial autorizando ou denegando as axudas poderá interpoñerse recurso de alzada ante a Conselleira de Educación, Universidade e Formación Profesional no prazo dun mes segundo o artigo 122 da lei 39/2015 do procedemento administrativo común das administracións públicas.

O xefe territorial

Indalecio Cabana Leira
(asinado documentalmente)

